

रूणिचा खुडियावास माई बाबो रामदेव जी विराजे रै



रूणिचा खुडियावास माई,
बाबो रामदेव जी विराजे रै।

दोहा – गांव रूणिचाँ रै माईने,
बाबा रो मंन्दिर जोर,
मनोहर आयो थारै देवरे,
म्हारो दुखडो मिटाज्यो ओर।

झालर शंख नगारा बाजै रै,
रूणिचाँ खुडियावास माई,
बाबो रामदेव जी विराजे रै,
रामदेव विराजे रै,
बाबो रामदेव जी विराजे रै।bd।

भारत राजस्थान में,
रूणिचो खुडियावास दो धाम,
सूरज सामो बणियो देवरो,
बाबा जी रो धाम,
जाकी लाल ध्वजा,
जाकी धोली ध्वजा,
जाकी हरी ध्वजा लहरावै रै,
रूणिचाँ खुडियावास माई,
बाबो रामदेव जी विराजे रै।bd।

नारेला रा गिणती कोनी,
सुवर्ण छत्र अपार,
नारेला री गिणती कोनी,
ढोला री झणकार,
नर नारी जोड़ा से आवै,
ढोके नर नार,
बाबो बेड़ा पार लगावै रै,
रूणिचाँ खुडियावास माई,
बाबो रामदेव जी विराजे रै।bd।



मेलो लागे अति भारी,
नर नारी जोड़ा से आवै,
आवै बारी बारी,
थारै जात जड़लौ ल्यावै रै,
रूणिचाँ खुडियावास माई,
बाबो रामदेव जी विराजे रै।bd।

राजा अजमल के लाल का,
धरो हमेशा ध्यान,
माता मेणादे के लाल का,
धरो हमेशा ध्यान,
मनोहर रैदास गावै बाबा,
चरणा मे शिश निवाई,
मनोहर रैदास गावै बाबा,
आज किशनगढ़ रे माय,
म्हारी नया पार लगाज्यो रै,
रूणिचाँ खुडियावास माई,
बाबो रामदेव जी विराजे रै।bd।

झांलर शंख नगारा बाजै रै,
रूणिचा खुडियावास माई,
बाबो रामदेव जी विराजे रै,
रामदेव विराजे रै,
बाबो रामदेव जी विराजे रै।bd।

गायक / प्रेषक – मनोहर परसोया ।
कविता साउँड किशनगढ़ ।
